

7

Gawaing Pampagkatuto sa Values Education

Kuwartar 1

Aralin

1

**Sagutang Papel sa
Kuwarter 1: Aralin 1 (Linggo 1)
SY 2024-2025**

Ang materyal na eto ay inilaan lamang para sa paggamit ng mga guro na kalahok sa implementasyon ng MATATAG K - 10 na kurikulum sa taong panuruang 2024-2025. Layunin nitong mailahad ang nilalaman ng kurikulum, pamantayan, at mga kasanayang dapat malinang sa mga aralin. Ang anomang walang pahintulot na pagpapalathala, pamamahagi, pagmomodipika, at paggamit ay mahigpit na ipinagbabawal at may karampatang legal na katumbas na aksiyon.

Ang mga nahiram na nilalaman na kasama sa materyales na ito ay pag-aari ng mga may karapatang-sipi. Ginawa ang lahat upang malaman ang pinagmulan at makahingi ng permiso na magamit ang mga ito mula sa nagmamay-ari ng karapatang-sipi. Ang mga tagapaglathala at pangkat ng tagabuo ay walang anomang karapatan sa pagmamay-ari para sa mga ito.

Mga Tagabuo

Manunulat: Maria Margarita Gregoria A. Virtucio, Jennet F. Pajura, Donah Jean S. Sales

Tagasuri: Rowena R. Hibanada

Ilustrador:

Tagaanyo:

Mga Tagapamahala

Philippine Normal University
Research Institute for Teacher Quality
SiMERR National Research Centre

Ang bawat pag-iingat ay ginawa upang masigurado ang katiyakan ng mga impormasyong nakapaloob sa materyales na ito. Para sa mga katanungan o fidbak, maaaring sumulat o tumawag sa Tanggapan ng Direktor ng *Bureau of Learning Resources* sa mga numero ng telepono (02) 8634-1072 and 8631-6922 o mag-email sa blr.od@deped.gov.ph

SAGUTANG PAPEL NG PAGKATUTO

Asignatura	VALUES EDUCATION	Kuarter	1
Bilang ng Aralin	1	Petsa	
Pamagat ng Aralin/Paksa	Katangian at Tunguhin ng Isip at Kilos-loob		
Pangalan:		Baitang at Pangkat:	7


I. Gawain 1: Paghambingin ang mga Larawan (5 minuto)

II. Mga Layunin: Natutukoy ang mga katangian ng tao na nagpapabukod tangi sa kaniya sa lahat ng mga nilikha ng Diyos.

III. Mga Kailangang Materyales: larawan ng tao at aso, panulat

IV. Panuto: Isahang Gawain

Tingnan at pag-aralan ang nasa larawan. Pansinin ang pagkakaiba at pagkakatulad ng mga ito.

**Mga Tanong:**

1. Ano ang ibig ipahiwatig ng dalawang larawang ito?

2. Sa tingin mo, ano ang gagawin ng tao at ng hayop? Ipaliwanag.

3. Bakit bukod tangi ang tao sa lahat ng nilikha ng Diyos? Pangatwiran.

SAGUTANG PAPEL NG PAGKATUTO

Asignatura	VALUES EDUCATION	Kuwartar	1
Bilang ng Aralin	1	Petsa	
Pamagat ng Aralin/Paksa	Katangian at Tunguhin ng Isip at Kilos-loob		
Pangalan:		Baitang at Pangkat:	7

I. Gawain 2: *Think-Pair-Share* (5 minuto)

II. Mga Layunin: Nakapagsusuri ng mga situwasyon sa pamamagitan ng pakikipag-usap at pakikipagtulungan sa kapareha.

III. Mga Kailangang Materyales: panulat

IV. Panuto: Dalawahang Gawain

Gamit ang estratehiyang *Think-Pair-Share*, basahin at unawaing mabuti ang situwasyon at pag-usapan ng iyong kapareha ang inyong kasagutan. Gawing gabay ang mga nakatalang katanungan sa ibaba.

Situwasyon 1:

Sabik na sabik ka na sa pagbubukas ng klase. Handa na ang iyong mga kagamitang pang-eskuwela at nasasabik ka ng makilala ang mga bago mong kaklase. Subalit sa unang araw pa lamang ng pasukan ay may kaklase ka na ayaw kang paupuin sa bakanteng upuan malapit sa kaniya dahil para daw iyon sa kaniyang bag at iba pang gamit.
Ano ang iyong gagawin?

Situwasyon 2:

Pag-uwi mo galing sa paaralan ay nakita mong tambak ang mga hugasin sa kusina. Ang ate mo ang nakatuka upang maghugas subalit hindi pa siya nakauwi ng bahay. Gustuhin mo mang gawin ang responsibilidad niya kaso namamaga ang iyong kamay. Maya-maya lang ay uuwi na ang inyong mga magulang at siguradong magagalit dahil hindi pa nahugasan ang pinagkainan.
Ano ang iyong gagawin?

Mga Tanong:

1. Magkapareho ba o magkaiba ang inyong mga sagot? Bakit?

2. May karanasan ka rin ba sa buhay na nahirapan kang magpasya? Bakit?

3. Ano-ano ang mga bagay na iyong isinaalang-alang mo sa paggawa ng pagpapasya?

SAGUTANG PAPEL NG PAGKATUTO

Asignatura	VALUES EDUCATION	Kuwartar	1
Bilang ng Aralin	1	Petsa	
Pamagat ng Aralin/ Paksa	Katangian at Tunguhin ng Isip at Kilos-loob		
Pangalan:		Baitang at Pangkat:	

I. Gawain 3: Paggawa ng Pagpapasya (10 minuto)

II. Mga Layunin: Matutunan ang kahalagahan ng paggamit ng isip at kilos sa paggawa ng tamang desisyon sa pang-araw-araw na buhay.

III. Mga Kailangang Materyales: panulat

IV. Panuto: Isahang Gawain

Bawat kilos ninyo ay gumagawa kayo ng sariling pagpapasya na nagsisilbing gabay sa pagpili at pagkilos. Paano makatutulong ang iyong isip at kilos-loob sa pang-araw-araw na ginagawa mo at ano ang resulta nito. Sumulat ng tatlong (3) karanasan mo sa buhay na gumawa ka ng pagpapasya. Gawing halimbawa ang nakatala sa ibaba.

[illegible]

SAGUTANG PAPEL NG PAGKATUTO

Asignatura	VALUES EDUCATION	Kuwartar	1
Bilang ng Aralin	1	Petsa	
Pamagat ng Aralin/Paksa	Gamit ng Isip at Kilos-loob sa Sariling Pagpapasya		
Pangalan:		Baitang at Pangkat:	

I. Gawain 4: Pagsusuri ng Kanta (10 minuto)

II. Mga Layunin: Nakapagninilay sa paggawa ng tamang pagpapasya at pagkilos na naaayon sa katotohanan at kabutihan upang maging responsableng indibiduwal.

III. Mga Kailangang Materyales: *cellphone, speaker, panulat*

IV. Panuto: Pakinggan ang awiting, **Pagpapasya**. Ito ay maaari ring mapanood sa Youtube *link* na ito: <https://youtu.be/h0yZ-rkeawg>



Mga Tanong:

1. Ano ang mensahe ng awitin?

2. Bakit kailangang linangin ang ang isang matalinong pagpapasya sa mga suliranin?

3. Paano magagamit ang isip at kilos-loob sa mga sariling pagpapasya at pagkilos alinsunod sa katotohanan at kabutihan?

SAGUTANG PAPEL NG PAGKATUTO

Asignatura	VALUES EDUCATION	Kuwartar	1
Bilang ng Aralin	1	Petsa	
Pamagat ng Aralin/Paksa	Gamit ng Isip at Kilos-loob sa Sariling Pagpapasya		
Pangalan:		Baitang at Pangkat:	

I. Gawain 5: *Happy or Sad* (5 minuto)

II. Mga Layunin: Naipaliliwanag na ang gamit ng isip at kilos-loob sa sariling pagpapasya at pagkilos ay ang nagsisilbing gabay sa pagpili at pagkilos alinsunod sa katotohanan at kabutihan, dahil ang mga ito ang nagpapabukod-tangi sa kaniya sa ibang nilalang.

III. Mga Kailangang Materyales: panulat

IV. Panuto: Iguhit ang **masayang mukha** 😊 kung ang situwasyon ay nagpapakita ng paggamit ng isip at kilos-loob sa pagpapasya. **Malungkot na mukha** ☹️ naman kung ang situwasyon ay hindi pinag-isipan nang mabuti. Iguhit ang inyong sagot sa patlang.

_____ 1. Pinili ni Grace na ipagpatuloy ang kaniyang pag-aaral sa kabila ng kanilang kahirapan sa buhay.

_____ 2. Ipinapasa ni Grey sa iba ang natatanggap na *forwarded* na mensahe sa *cellphone* patungkol sa nangyayaring banggaan ng sasakyan.

_____ 3. Inuna munang pinabili ni Andrea ang mga pangangailangan sa paaralan kaysa bagong gadyet na gusto niya.

_____ 4. Kinuha ni Mark ang *cellphone* ng kaklase upang ibenta at nang may ipambili ng gamot ang kapatid niyang may sakit na nasa ospital.

_____ 5. Nangopya si Aimee sa unang markahang pagsusulit upang matulungan ang sarili na makapasa dahil ilang markahan na siyang bumabagsak.

Mga Tanong:

1. Mahirap o madali ba ang gawain para sa iyo? Ipaliwanag ang sagot.

2. Ano ang iyong ginagawa sa mga pagkakataong nahihirapan ka sa pagpapasya?

3. Bakit mahalagang isaalang-alang sa lahat ng pagkakataon ang isip at kilos-loob upang makabuo ng pagpapasya ang maisagawa ang nararapat na mga hakbang?

SAGUTANG PAPEL NG PAGKATUTO

Asignatura	VALUES EDUCATION	Kuwartar	1
Bilang ng Aralin	1	Petsa	
Pamagat ng Aralin/ Paksa	Gamit ng Isip at Kilos-loob sa Sariling Pagpapasya		
Pangalan:		Baitang at Pangkat:	

I. Gawain 6: Gamit ang Isip at Kilos-loob


II. Mga Layunin: Naipaliliwanag ang tama at maling mga pagpapasya, kasama ang mga resulta at epekto nito upang matuto at makagawa ng tamang desisyon at kilos sa hinaharap.

III. Mga Kailangang Materyales: panulat

IV. Panuto: Isahang Gawain

Sa bawat araw na ating hinaharap kadalasan gumagawa tayo ng desisyon mula sa pinakamaliit hanggang sa pinakamalaking bagay. Magbigay ka ng isang halimbawa ng pagpapasya na maaari mong gawin sa isang situwasyon kung tama ang iyong pasya ano ang mga epekto at resulta nito at kung mali ang pasya naman ano ang mga epekto at resulta nito gamit ang *graphic organizer* sa ibaba.

Halimbawa, kung magpapasya ka kung ipagpapatuloy mo pa ang paglalaro ng *online games* o titigil na at pagtuunan na lang ng pansin ang pag-aaral. Anuman ang iyong maging pasya ay ibibigay mo kung ano-ano ang maaaring maging epekto ng pasya mo at sa huli ano ang maaaring bunga/resulta nito.



SAGUTANG PAPEL NG PAGKATUTO

Asignatura	VALUES EDUCATION	Kuarter	1
Bilang ng Aralin	1	Petsa	
Pamagat ng Aralin/Paksa	Gamit ng Isip at Kilos-loob sa Sariling Pagpapasya		
Pangalan:		Baitang at Pangkat:	

I. Gawain 7: Maikling Pagsubok (5 minuto)

II. Mga Layunin: Natataya ang mga natutuhan sa katatapos na aralin.

III. Mga Kailangang Materyales: panulat

IV. Panuto: Basahin at unawaing mabuti ang pahayag. Isulat sa patlang ang letra ng pinakatamang sagot.

- _____ 1. Sa kaniya nagmula ang katotohanan at kabutihan.
A. guro B. batas C. Diyos D. mga magulang
- _____ 2. Ayon sa kaniya ang kilos-loob ay ang makatwirang pagkagusto.
A. Diyos C. Sto. Tomas de Aquinas
B. Sto. Tomas de Aquino D. Thomas Alba Edison
- _____ 3. Ang layunin ng _____ ay mapabuti ang sarili at ang ibang tao.
A. isip B. kilos-loob C. puso D. konsensiya
- _____ 4. Hindi kailanman nanaisin ng kilos-loob ang masama sapagkat ito ay laging _____ panig sa _____.
A. tao B. mabuti C. sarili D. nakakarami
- _____ 5. Ito ay isa sa mga imahe ng Diyos na taglay mo at ng bawat tao na may kakayahan upang makaalam ng mga bagay na totoo.
A. isip B. puso C. kilos-loob D. konsensiya
- _____ 6. Alin sa mga sumusunod ang tumutukoy sa kapangyarihan ng tao na pumili, magpasya, at isakatuparan ang napili?
A. isip B. dignidad C. kalayaan D. kilos-loob
- _____ 7. Walang katapusan ang paghahanap ng tao ng katotohanan. Ano ang kahulugan ng pangungusap na ito?
A. May limitasyon ang pag-iisip ng tao.
B. Walang katapusan ang pag aaral ng tao hangga't sila ay nabubuhay.
C. Patuloy ang hilig ng tao hanggang matuklasan niya ang kaniyang kapaligiran.

D. Hindi perpekto ang tao at ang kaniyang isip ay walang kakayahan na malaman ang katotohanan.

_____ 8. Saan nagkakatulad ang tao at hayop?

- A. parehong responsable
- B. parehong may damdamin
- C. parehong nakakaalam ng tama
- D. parehong may kakayahang magdesisyon

_____ 9. Ano ang nagpapahigit sa tao sa ibang nilalang?

- A. Siya ay may damdamin.
- B. Siya ay nilikha ng Diyos.
- C. Siya ay may isip at kilos-loob.
- D. Siya ay mahal ng Diyos.

_____ 10. Ito ay ang katangian o kalagayan ng pagiging mabuti, kahusayang moral, o kagalingan.

- A. katalinuhan
- B. kabutihan
- C. kagalingan
- D. katarungan

Pagsusuri ng Situasyon

Kung ikaw ay malalagay sa sumusunod na mga situwasyon, ano ang iyong gagawin? Magbigay ng maikling paliwanag sa iyong kasagutan.

1. Naiwan kang mag-isa sa loob ng iyong silid-aralan. May nakita kang *wallet* sa ibabaw ng mesa. Nang binuksan mo ito, nakita mo ang ID ng iyong kaklase sa loob ng *wallet* at naglalaman ito ng dalawang libong piso.

2. Pagkatapos ng klase ay niyaya ka ng kaibigan mo na sumama sa kaniya upang mamasyal sa parke. Ang bilin ng iyong nanay umuwi agad pagkatapos ng klase.
